

Svar

umhverfis-, orku- og loftslagsráðherra við fyrirspurn frá Diljá Mist Einarsdóttur um skipulag og stofnanir ráðuneytisins.

1. *Stendur yfir vinna í ráðuneytinu varðandi stofnanaskipulag þess með það að markmiði að ná fram aukinni hagræðingu og skilvirkni í starfsemi? Ef já, hvaða?*

Síðastliðið sumar kynnti Guðlaugur Þór Þórðarson, umhverfis- orku- og loftslagsráðherra, verkefni sem felst í að greina tækifæri við endurskipulagningu á stofnanakerfi ráðuneytisins.

Þær stofnanir sem heyra undir ráðuneytið eru: Íslenskar orkurannsóknir (ÍSOR), Landmælingar Íslands, Minjastofnun, Náttúrufræðistofnun Íslands, Náttúrurannsóknastöðin við Mývatn, Orkustofnun, Stofnun Vilhjálms Stefánssonar, Umhverfisstofnun, úrskurðarnefnd umhverfis- og auðlindamála, Úrvinnslusjóður, Vatnajökulsþjóðgarður, Veðurstofa Íslands og Þjóðgarðurinn á Þingvöllum.

2. *Hefur ráðherra brugðist við tillögum til úrbóta í stjórnsýsluúttekt Ríkisendurskoðunar frá desember 2021? Ef já, hvernig?*

Vinna við að greina tækifæri til endurskipulagningar eða sameiningar stofnana ráðuneytisins hófst síðastliðið sumar og lauk með greinargerð og tillögum stýrihóps (frumathugun) til ráðherra í desember 2022. Gagnaöflun og undirbúningur tillagna er byggður á vinnufundum, umræðum og þróun verkefnisins með þéttri aðkomu forstöðumanna allra stofnana ráðuneytisins, öðrum stjórnendum, sérfræðingum stofnana og starfsfólki ráðuneytisins.

3. *Hversu margar eru stofnanir ráðuneytisins?*

Stofnanir ráðuneytisins eru 13 talsins með um 530 ársverk á ríflega 40 starfsstöðvum víða um land. Um 61% starfanna eru á höfuðborgarsvæðinu.

4. *Hversu margar stofnanir ráðuneytisins hafa færri en 50 starfsmenn?*

Tíu af stofnunum ráðuneytisins erum með færri en 50 starfsmenn en þær stofnanir sem eru með fleiri en 50 starfsmenn eru Veðurstofa Íslands, Umhverfisstofnun og Vatnajökulsþjóðgarður.

5. *Er til skoðunar að sameina stofnanir ráðuneytisins?*

Já.